

A photograph of four students standing against a light-colored brick wall. From left to right: a male student in a plaid shirt and jeans holding a blue book; a male student in a light blue shirt and green pants holding a yellow book; a female student in a teal shirt and grey skirt holding a purple book; and a male student in a white t-shirt and dark jeans holding a red book. The image is partially obscured by a dark blue overlay at the bottom.

MASTER PROGRAMI 2018/2019

Centar za interdisciplinarne studije Univerziteta u Sarajevu (CIS) usmjeren je ka interdisciplinarnom obrazovanju nove generacije stručnjaka/inja iz Bosne i Hercegovine kao i iz zemalja regije jugoistočne Evrope. Kao takav, CIS okuplja više od stotinu uvažanih domaćih i stranih eksperata/tica iz različitih naučnih oblasti koji/e zajednički rade na projektima razvoja iz svih naučnih oblasti.

Sa ciljem obrazovanja stručnjaka i stručnjakinja u poljima koja su tražena na tržištu rada i od velike važnosti za razvoj naše zemlje, CIS trenutno provodi **šest master programa**: Evropski regionalni magistarski program Demokratija i ljudska prava u Jugoistočnoj Evropi (ERMA), Evropske studije (ES), Nutricionizam, Jedinstveno zdravlje, Zaštita od prirodnih katastrofa i Međunarodna i regionalna sigurnost.



UNIVERZITET U SARAJEVU

CIS

Centar za
interdisciplinarne
studije

Više informacija na
cis.unsa.ba

ROKOVI

Konkurs za upis na prvu godinu studija za **ERMA program otvoren je do 10. 9. 2018. godine** dok je **konkurs za ostale programe otvoren do 28. 9. 2018. godine.**

PROGRAMI

Evropski regionalni magistarski program Demokratija i ljudska prava u Jugoistočnoj Evropi (ERMA)

Uz partnerstvo Univerziteta u Bolonji i finansijsku podršku Evropske Unije i AICS - Republike Italije, godišnje oko 30 mladih ljudi iz cijele jugoistočne Evrope i Zapadne Evrope ali i šire, stiče diplomu magistra ovog studija. ERMA program namijenjen je studentima/cama koji/e žele kombinovati praktično iskustvo u polju ljudskih prava sa akademskim studijima. Kurikulum ovog jednogodišnjeg interdisciplinarnog magistarskog programa sastoji se od 6 predmeta koji se izvode u okviru 2 semestra, a završne radove studenti/ce pišu u Italiji, smješteni na Univerzitetu u Bolonji, Rezidencijalnom Centru Santa Sofia / Faenza / Bertinoro.



Evropske studije (ES)

Ovaj studij na inovativan i moderan način obrazuje kadrove koji će biti okosnica procesa integracija u jedinstveni evropski prostor. Cilj programa je da doprinese realizaciji spomenutog procesa i podigne svijest o njegovom značaju. Studij je koncipiran kao jednogodišnji i dvogodišnji, te je tako prilagođen za kandidate koji su tokom prvog ciklusa studija ostvarili 180 ECTS ili 240 ECTS. Namijenjen je diplomiranim studentima svih fakulteta, a s obzirom na to da je riječ o deficitarnom kadru za kojim postoji sve veća potreba, ovaj studij nudi mogućnost napretka u karijeri. Nakon odbrane rada, studenti dobivaju diplomu Univerziteta u Sarajevu i Ekonomskog fakulteta Univerziteta u Sarajevu – Magistar evropskih studija.



Nutricionizam

Potreba za kvalitetnim, dobro školovanim i visoko stručnim djelatnicima iz naučne oblasti ishrane / nutricionizma je velika. Master studij "Nutricionizam" predstavlja odgovor na potrebe društva za školovanjem stručnjaka koji su sve potrebni i u Bosni i Hercegovini. Namijenjen kandidatima koji su tokom ranijeg studija ostvarili 180 ECTS ili 240 ECTS, ovaj dvogodišnji studij sadrži 4 semestra i predvode ga nastavnici sa nekoliko fakulteta iz različitih naučnih disciplina.



Jedinstveno zdravlje

Studijski program Jedinstveno zdravlje je interdisciplinarni postdiplomski master studij razvijen u saradnji sa Univerzitetima u Milanu, Barceloni, Portu i Ljubljani. Ovaj studij promovira savremene pristupe zaštite zdravlja te propagira EU standarde i politike u javnom zdravstvu i veterinarskom javnom zdravstvu u skladu sa težnjama naše države ka pridruživanju EU. Nakon jednogodišnjeg studija koncipiranog kroz 2 semestra, polaznici stiču akademsku titulu i zvanje “Magistar jedinstvenog zdravlja”. Na studij se mogu upisati kandidati iz BiH i inostranstva sa minimum 240 ECTS studijskih bodova. Prednost pri upisu imaju kandidati sa diplomom fakulteta bio-medicinske grupe, te postdiplomskog studija bio-medicinskog usmjerenja po predbolonjskom sistemu studiranja.



Zaštita od prirodnih katastrofa

Svrha ovog studijskog programa je obrazovanje magistara zaštite od prirodnih katastrofa u skladu sa potrebama društva i njihovo akademsko usavršavanje u skladu sa savremenim zahtjevima upravljanja rizicima od prirodnih katastrofa. Studijski program je koncipiran tako da obezbjeđuje sticanje kompetencija i razvoj akademskih vještina iz oblasti upravljanja rizicima od prirodnih katastrofa. Opći cilj projekta je obrazovanje eksperata za prevenciju i upravljanje prirodnim katastrofama u regionu Zapadnog Balkana na osnovu nacionalnih i politika Europske unije. Jednogodišnji studij koji traje 2 semestra i predviđa 3 obavezna i 3 izborna predmeta uz izradu završnog rada, prilagođen je kandidatima koji su tokom prvog ciklusa studija ostvarili najmanje 240 ECTS bodova. Nakon odbrane rada, studenti dobijaju diplomu Univerziteta u Sarajevu uz zvanje – Magistar zaštite od prirodnih katastrofa.



Međunarodna i regionalna sigurnost

Studij je namijenjen diplomiranim studentima/cama svih fakulteta koji/e su završili četverogodišnji univerzitetski studij i tokom studija ostvarili ekvivalent od 240 ECTS kredita. Program se sastoji od 6 obaveznih predmeta te izrade i odbrane Master teze i izvodi se na engleskom i (ili) BHS jeziku. Studij traje jednu godinu, a diplomu izdaje Univerzitet u Sarajevu uz akademsku titulu i stručno zvanje: Magistar međunarodne i regionalne sigurnosti. Polaznici će naučiti kakav uticaj sigurnost ostvaruje na politiku, ekonomiju, tehnološke tokove i kulturološke trendove.



**Evropski regionalni magistarski program Demokratija
i ljudska prava u Jugoistočnoj Evropi (ERMA)**
ko-direktor: Prof. dr. Asim Mujkić

Evropske studije (ES)
Voditeljica programa: Prof. dr. Azra Hadžiahmetović

Nutricionizam
Voditeljica programa: Doc. dr. Irzada Taljić

Jedinstveno zdravlje
Voditelj programa: Prof. dr. Nihad Fejzić

Zaštita od prirodnih katastrofa
Voditeljica programa: Prof. dr. Emina Hadžić

Međunarodna i regionalna sigurnost
Voditelj programa: Prof. dr. Selmo Cikotić

Zmaja od Bosne 8, UNSA Kampus, 71 000 Sarajevo
tel: +387 33 668 685
e-mail: cis@cis.unsa.ba
www.cis.unsa.ba



UNIVERZITET U SARAJEVU

CIS

Centar za
interdisciplinarnu
studije

Više informacija na
cis.unsa.ba